

若波羅蜜亦如是不善法無量當知般若波羅蜜亦如是如師子吼當知般若波羅蜜亦如是何以故色如大海受想行識如大海色如虛空受想行識如虛空色如湏弥山莊嚴受想行識如湏弥山莊嚴色如日光受想行識如日光色如聲無邊受想行識如聲無邊

色如衆生性無邊受想行識如衆生性無邊色如地受想行識如地色如水受想行識如水色如火受想行識如火色如風受想行識如風色如空種受想行識如空種色離集善相受想行識離集善相色離和合法受想行識離和合法色三昧故無邊受想行識三昧故無邊色色離色性色如是佛法受想行識故無邊色色離色性色如是佛法受想行識離識性識如是佛法色相無邊受想行識相無邊色空無邊受想行識空無邊色中善行故無邊受想行識心所行故無邊色中善不善不可得受想行識中善不善不可得色不可壞受想行識不可壞色是師子吼受想

行識是師子吼當知般若波羅蜜亦如是
小品般若經卷第九 潛九

後庭溪張判院名尋捨田力開小品般若經一部十卷

小品般若波羅蜜經卷第十

潛十

姚秦三歲鳩摩羅什譯

小品般若波羅蜜經薩陀波崙品第二十七
佛告湏菩提若菩薩欲求般若波羅蜜當如薩陀波崙菩薩今在雷音威王佛所行菩薩道湏菩提白佛言世尊薩陀波崙菩薩六何求般若波羅蜜佛告湏菩提薩陀波崙菩薩本求般若波羅蜜時不依世事不惜身命不貪利養於空林中聞空中聲言善男子汝從是東行當得聞般若波羅蜜行時莫念疲倦莫念睡眠莫念飲食莫念晝夜莫念寒熱如是諸事莫念莫觀亦莫思惟離諸曲心莫自

高身卑下他人當離一切衆生之相當離一切利養名譽當離五蓋當離慳嫉亦莫分別內法外法行時莫得左右顧視莫念前莫念後莫念上莫念下莫念四維莫動色受想行識何以故若動色受想行識則不行佛法行於生死如是之人不能得般若波羅蜜薩陀

波菴報空中聲言當如教行何以故我爲一切衆生作光明故集諸佛法空中聲言善哉善哉善男子汝應信解空無相無作法應離諸相離於有見離衆生見人見我見求般若波羅蜜善男子應離惡知識親近善知識善知識者能說空無相無作無生無滅法善男子汝能如是不叉得聞般若波羅蜜若從經卷聞若從法師聞善男子汝所從聞般若波羅蜜當於是人生大師想當知報恩應作是念我所從聞般若波羅蜜則是我善知識我得聞般若波羅蜜當不退於阿耨多羅三藐三菩提不離諸佛不生無佛世界得離諸離

思惟如是功德利故於法師所生大師想善男子莫以世俗財利心故隨逐法師當以愛重恭敬法故隨逐法師又善男子應覺魔事惡魔或時爲說法者作諸因緣令受好妙色聲香味觸說法者以方便力故受是五欲汝於此中莫生不淨之心應作念言我不知方

小品第十一

二

三

便之力法師或爲利益衆生令種善根故受用是法諸菩薩者無所障礙善男子汝於爾時應觀諸法實相何等是諸法實相佛說一切法無垢何以故一切法性空一切法無我無衆生一切法如幻如夢如響如影如炎善男子汝若如是觀諸法實相隨逐法師不叉當善知般若波羅蜜又善男子復應覺知魔事若於法師求般若波羅蜜者心有嫌恨而不顧繢汝於此中不應憂惱但以愛重恭敬法心隨逐法師勿生厭離須菩提薩陀波菴菩薩受虛空中如是教已即便東行東行不久復作是念我向者云何不問空中聲東行

遠近當從誰聞般若波羅蜜即住不行憂愁
啼哭作是念言我住於此若一日二日乃至
七日不念疲極不念睡眠不念飲食不念晝
夜不念寒熱要當得知我從誰聞般若波羅
蜜湏菩提辟如有人唯有一子愛之甚重一
旦命終甚大憂惱唯懷憂惱無有餘念湏菩

提薩陀波崙亦如是無有餘念但念我當何
時得聞般若波羅蜜湏菩提薩陀波崙善薩
如是憂愁啼哭時佛像在前立讚言善哉善
哉善男子過去諸佛本行菩薩道時求般若
波羅蜜亦如汝今是故善男子汝以是勤行
精進愛樂法故從是東行去此五百由旬有
城名衆香七寶合成其成七重縱廣十二由
旬皆以七寶多羅之樹周遍圍遶豐樂安靜
人民熾盛街巷相當端嚴如畫橋津如地寬
博清淨七重城上皆以闌浮檀金而爲樓閣
一一樓閣七寶行樹種種寶果其諸樓閣次
第皆以寶繩連綿寶鈴羅網以覆城上風吹

塔

小品第十一

三

首

鈴聲其音和雅如作五樂甚可愛樂以是音
聲娛樂衆生其城四邊流池清淨冷暖調適
中有諸般七寶嚴飾是諸衆生宿業所致娛
樂遊戲諸池水中種種蓮華青黃赤白衆雜
好華香色具足遍滿其上三千大千世界所
有好華悉皆具有其城四邊有五百園觀七

寶莊嚴甚可愛樂一一園中有五百池水池
水各各縱廣十里皆以七寶雜色莊嚴諸池
水中皆有青黃赤白蓮華大如車輪荪覆水
上青色青光黃色黃光赤色赤光白色白光
諸池水中皆有鳬鴈鷺鷺異類衆鳥是諸園
觀池沼適無所屬皆是衆生宿業果報長夜
信樂深法行般若波羅蜜福德所致善男子
衆香城中有大高臺疊無竭菩薩摩訶薩宮
舍在上其宮縱廣五十里皆以七寶校成雜
色莊嚴垣牆七重皆亦七寶七寶行樹周匝
園遶其宮舍中有四園觀常所娛樂一名當
喜二名無憂三名華飾四名華飾一一園中

有八池水一名爲賢二名賢上三名歡喜四名喜上五名安隱六名多安隱七名必定八名阿毗跋致諸池水邊面各七寶黃金白銀琉璃玻璃玫瑰爲底金沙布上一一池側有八梯階種種寶物以爲梯橙諸階際間有閻浮檀金芭蕉之樹諸池水中皆有青黃赤白蓮華遍覆水上鳬鴈鴛鴦孔雀衆鳥鳴聲相和甚可愛樂諸池水邊皆生華樹香樹風吹香華墮池水中其池成就八功德水香若栴檀色味具足曇無竭菩薩與六万八千姝女五欲具足共相娛樂及城中男女俱入常喜等園賢等池中共相娛樂善男子曇無竭菩薩與諸殊女遊戲娛樂已日日三時說般若波羅蜜衆香城中男女大小爲曇無竭菩薩於其城內多聚人處敷大法座其座四足或以黃金或以白銀或以琉璃或以玻璃敷以綻雜色茵蓐以迦尸白疊而覆其上座高五里施諸幘帳其地四邊散五色華燒衆名

香供養法故曇無竭菩薩於此座上說般若波羅蜜善男子彼諸人衆如是供養恭敬曇無竭菩薩爲聞般若波羅蜜故於是大會百千万衆諸天世人一處集會中有聽者中有受者中有持者中有誦者中有書者中有正觀者中有如說行者是諸衆生已度惡道皆不退轉於阿耨多羅三藐三菩提善男子汝從是去當於曇無竭菩薩所聞般若波羅蜜曇無竭菩薩世世是汝善知識示教利喜汝阿耨多羅三藐三菩提善男子曇無竭菩薩本行菩薩道時求般若波羅蜜亦如汝今今汝東行莫計畫夜不夕當得聞般若波羅蜜菩薩波崙菩薩心大歡喜辭如有人爲毒箭所中更無餘念唯念何時當得良醫拔出毒箭除我此苦如是菩薩波崙菩薩無有餘念但念何時得見曇無竭菩薩爲我說般若波羅蜜我聞般若波羅蜜斷諸有見爾時菩薩波崙即於住處一切法中生無決定想入諸

三昧門所謂諸法性觀三昧諸法不可得三昧破諸法無明三昧諸法不異三昧諸法不壞三昧諸法照明三昧諸法離闇三昧諸法不相續三昧諸法性不可得三昧散華三昧不受諸身三昧離幻三昧如鏡像三昧一切衆生語言三昧一切衆生歡喜三昧隨一切

小品卷十一

五

善三昧種種語言字句莊嚴三昧無畏三昧性常默然三昧無礙解脫三昧離塵垢三昧名字語言莊嚴三昧一切見三昧一切無礙際三昧如虛空三昧如金剛三昧無負三昧得勝三昧轉眼三昧畢法性三昧得安隱三昧師子吼三昧勝一切衆生三昧離垢三昧無垢淨三昧華莊嚴三昧隨堅實三昧出諸法得力無畏三昧通達諸法三昧壞一切法印三昧無差別見三昧離一切見三昧離一切闇三昧離一切相三昧離一切著三昧離一切懈怠三昧深法照明三昧善高三昧不可奪三昧破魔三昧生光明三昧見諸佛三

昧薩陀波崙菩薩住是諸三昧中即見十方諸佛爲諸菩薩說般若波羅蜜諸佛各各安慰讚言善哉善哉善男子我等奉行菩薩道時求般若波羅蜜亦如汝今得是諸三昧亦如汝今得是諸三昧已了達般若波羅蜜住阿毗跋致地我等得是諸三昧故得阿耨多羅三藐三菩提善男子是爲般若波羅蜜所謂於諸法無所念我等住於無念法中得如是金色之身三十二相大光明不可思議智慧諸佛無上三昧無上智慧盡諸功德邊如是功德諸佛說之猶不能盡况聲聞辟支佛是故善男子汝於是法倍應恭敬愛重生清淨心得阿耨多羅三藐三菩提不足爲難汝於善知識應深恭敬愛重信樂善男子若菩薩爲善知識所護念者疾得阿耨多羅三藐三菩提薩陀波崙菩薩白諸佛言何等是我不善知識諸佛答言善男子曇無竭菩薩世世教誨成就汝於阿耨多羅三藐三菩提令汝

卷十一

小品卷十一

得學般若波羅蜜方便之力曇無竭菩薩是汝善知識汝應報恩善男子汝若於一劫若二劫三劫乃至百劫若過百劫頂戴恭敬以一切樂具而供養之若以三千大千世界妙好色聲香味觸盡以供養亦未能報湏臾之恩何以故以曇無竭菩薩因緣力故令汝得知是諸深三昧及聞般若波羅蜜方便諸佛如是教授安慰薩陀波崙菩薩已忽然不現是諸佛向從何來今至何所不見佛作是念憂愁作是念曇無竭菩薩已得薩羅尼諸神通力已曾供養過去諸佛世世爲我善知識常利益我我至曇無竭菩薩所當問諸佛從何所來去至何所余時薩陀波崙菩薩於曇無竭菩薩益加愛重恭敬信樂作是念我今貧窮無有華香瓔珞燒香塗香衣服幡蓋金銀真珠玻璃珊瑚無有如是諸物可以供養曇無竭菩薩我今不應空往曇無竭菩薩

所我若空往心則不安當自賣身以求財物爲般若波羅蜜故供養曇無竭菩薩何以故我世世已來喪身無數於無始生死中爲欲因緣故在於地獄受無量苦未曾爲是清淨之法是時薩陀波崙菩薩中道入一大城至市肆上高聲唱言誰欲湏人誰欲湏人余時惡魔作是念薩陀波崙菩薩爲愛法故自賣身以供養曇無竭菩薩爲聞般若波羅蜜方便云何菩薩行般若波羅蜜疾得阿耨多羅三藐三菩提亦得多聞如大海水不爲諸魔所懷能盡一切諸功德邊於此利益無量衆生是諸衆生出我境界得阿耨多羅三藐三菩提我今當往壞其道意即時惡魔隱蔽諸人乃至不令一人得聞唱聲唯一長者女魔不能蔽薩陀波崙菩薩賣身不售在一處立流淚而言我爲大罪故欲自賣身供養曇無竭菩薩爲聞般若波羅蜜而無買者余時釋提桓因作是念我今當試是善男子實以深

心爲愛法故捨是身不即化作婆羅門在薩
陀波崙菩薩邊行問言善男子汝今何故憂
愁啼哭薩陀波崙言我今貧窮無有財寶欲
自賣身供養曇無竭菩薩爲聞般若波羅蜜
而無買者婆羅門言善男子我不湏人今欲
大祠當湏人心人血人髓能與我不薩陀波崙

自念我得大利定當得聞般若波羅蜜方便
以婆羅門欲買心血髓故即大歡喜語婆羅
門汝所湏者盡當相與婆羅門言汝湏何價
答言隨汝所與薩陀波崙菩薩即執利刀刺
右臂出血復割右胫欲破骨出髓時一長者
女在閣上遙見薩陀波崙菩薩刺臂出血割
其右胫復欲破骨出髓作是念此善男子何
因緣故困苦其身我當往問時長者女即便
下閣到薩陀波崙菩薩所問言善男子何因
緣故困苦其身用是血髓爲薩陀波崙言賣
與婆羅門供養般若波羅蜜及曇無竭菩薩
長者女言善男子汝賣血髓供養是人得何

等利薩陀波崙言是人當爲我說般若波羅
蜜方便力我隨中學當得阿耨多羅三藐三
菩提金色之身三十二相常光無量光大慈
大悲大喜大捨十力四無所畏四無礙智十
八不共法六神通不可思議清淨戒品定品
智慧品解脫品解脫知見品得佛無上智慧

小品第十一

卷

無上法寶分布施與一切衆生時長者女語
薩陀波崙汝所說者甚爲希有微妙第一爲
一法乃可應捨恒河沙身善男子汝今所
湏金銀真珠琉璃玻璃琥珀珊瑚諸好珍寶
及華香瓔珞幡蓋衣服盡當相與供養曇無
竭菩薩莫自困苦我今亦欲隨汝至曇無竭
菩薩所種諸善根爲得如是清淨法故尔時
釋提桓因即復其身在薩陀波崙菩薩前立
作是言善哉善哉善男子汝心堅固愛法如
是過去諸佛行菩薩道時亦如汝今求聞般
若波羅蜜方便得阿耨多羅三藐三菩提善
男子我實不湏人心血髓故來相試汝願何

等當以相與薩陀波崙言與我阿彌多羅三藐三菩提釋提桓因言我無此也諸佛世尊乃能辦之更求餘願當以相與薩陀波崙汝於此中若無力者還使我身平復如故薩陀波崙身即平復無有瘡痏於是釋提桓因忽然不現時長者女語薩陀波崙菩薩言可至我舍當白父母求索財寶爲間法故供養曇無竭菩薩薩陀波崙菩薩與長者女俱到其舍長者女入白父母言與我華香瓔珞種種衣服及諸寶物願聽我身并先所給五百侍女與薩陀波崙菩薩共往供養曇無竭菩薩曇無竭菩薩當爲我說法以是法故我等當得諸佛之法父母語女薩陀波崙菩薩今在何處女言今在門外是人發心求阿彌多羅三藐三菩提欲度一切衆生生死苦惱爲愛法故欲自賣身而無買者憂愁啼哭立在一處作是言我欲賣身而無買者時一婆羅門作是言汝今何故欲自賣身益言我愛法

故欲供養曇無竭菩薩我當從彼得諸佛法婆羅門言我不湏人今欲大祠當湏人心人血人髓即時是人心大歡喜手執利刀刺臂出血復割右股欲破骨出髓我在閣上遙見此事心自念言是人何故困苦其身當往問之我即往問答我言我以貧窮無有財寶欲賣心血髓與婆羅門我時間言善男子持是財物欲作何等答我言爲愛法故供養曇無竭菩薩我復問言善男子汝於是中得何等利益答我言我於是中當得無量不可思議功德之利我聞是無量不可思議諸佛功德心大歡喜作是念是善男子甚爲希有乃能自受如是苦惱爲愛法故尚能捨身我當云何不供養法我今多有財物於是事中當發大願我時語言善男子汝莫如是困苦其身我當多與財物供養曇無竭菩薩我亦隨汝至曇無竭菩薩所欲自供養我亦欲得無上佛法如上所說父母今當聽我隨是善男子及

給財物供養曇無竭菩薩父母報言汝所讚者希有難及是人一心念法一切最勝第一必能安樂一切衆生是人能求難事我今聽汝隨去我等亦欲見曇無竭菩薩是文爲供養曇無竭菩薩故白父母言我不敢斷人功德是文即時莊嚴五百乘車勑五百侍女亦

皆莊嚴持種種色華種種色衣種種雜香末香塗香金銀寶華種種雜色妙好瓔珞諸美飲食與薩陀波崙菩薩各載一車五百侍女恭敬圍遶漸漸東行遙見衆香城其城七重七寶莊嚴甚可愛樂有七重塗七重行樹其城縱廣十二由旬豐樂安靜人民熾盛五百

小品卷十一

十

卷

曇無竭菩薩所有七寶臺牛頭栴檀而以校飾真珠羅網寶鈴間錯四角各懸明珠以爲光明有四白銀香爐燒黑沉水供養般若波羅蜜其寶臺中有七寶大牀牀上有四寶函以真金牒書般若般若波羅蜜置是函中四邊垂諸寶幡尔時薩陀波崙菩薩與五百侍女遙見妙臺種種珍寶以爲校飾又見釋提桓因與無量百千諸天以天曼陀羅華天金銀華天栴檀華以散臺上天於空中作諸伎樂即問釋提桓因憍尸迦汝以何故與諸天衆以天曼陀羅華天金銀華天栴檀華散此臺上於虛空中作諸伎樂釋提桓因言善男子汝不知耶有法名摩訶般若波羅蜜是諸菩薩母菩薩於是中學當得盡諸功德一切圓達說法心即歡喜辭如比丘得第三禪見已作是念我等不應載車趣曇無竭菩薩即皆下車步進薩陀波崙與五百侍女恭敬圍遶各持種種莊嚴諸物俱詣曇無竭菩薩所

並菩薩與五百女人各持種種華香瓔珞幡蓋衣服金銀珍寶以半供養般若波羅蜜以半供養曇無竭菩薩薩陀波崙菩薩以種種華香瓔珞幡蓋衣服金銀寶華作諸伎樂供養般若波羅蜜已向曇無竭菩薩所復以種種華香瓔珞碎末栴檀金銀寶華供養法故散塔林

曇無竭菩薩上即住虛空合成寶蓋其蓋四邊垂諸寶幡薩陀波崙菩薩及五百女人見此神力心大歡喜作是念未曾有也曇無竭大師神力乃尔未成佛道神通之力尚能如是況得阿耨多羅三藐三菩提時五百女人敬重曇無竭菩薩故皆阿耨多羅三藐三菩提心我等以是善根因緣於未來世當得作佛行菩薩道時亦得如是功德如今曇無竭菩薩供養恭敬尊重般若波羅蜜爲人演說成就方便力亦如曇無竭菩薩薩陀波崙及五百女人頭面禮曇無竭菩薩足合掌恭敬却住一面薩陀波崙白曇無竭菩薩言我

本求般若波羅蜜時於空林中聞空中聲言善男子從是東行當得聞般若波羅蜜我即東行東行不久便作是念我云何不問空中聲去當遠近從誰得聞般若波羅蜜憂愁懊惱即住七日不念飲食及世俗事但念般若波羅蜜我云何不問空中聲去當近遠從誰得聞即時佛像現在我前作是言善男子從是東行五百由旬有城名衆香城中有菩薩名曇無竭爲諸大衆說般若波羅蜜汝於是中當得聞般若波羅蜜我於是處一切法中生無依止想亦得無量諸三昧門我住是諸三昧即見十方諸佛爲諸大衆說般若波羅蜜諸佛讚我言善哉善哉善男子我等本行菩薩道時亦得是諸三昧住是諸三昧中能成就諸佛法諸佛安慰示教我已皆不復現我從諸三昧覺已作是念諸佛從何所來去至何所不知諸佛來去因緣故即作是念曇無竭菩薩已曾供養過去諸佛深種善根善

學方便必能爲我說諸佛從何所來去至何所唯願大師今當爲我說諸佛從何所來去至何所令我常得不離見佛

小品般若波羅蜜經曇無竭品第二十八

余時曇無竭菩薩語薩陀波崙菩薩言善男子諸佛無所從來去無所至何以故諸法如

諸

小品第十一

十二

卷

不動故諸法如即是如來善男子無生無來無去無生即是如來實際無來無去實際即是如來空無來無去空即是如來斷無來無去斷即是如來離無來無去離即是如來滅無來無去滅即是如來虛空性無來無去虛空性即是如來善男子離是諸法無有如來是諸法如諸如來如皆是一如無二無別善男子是如唯一無二無三離諸數無所有善男子辭如春末後月日中熱時見野馬動愚夫逐之謂當得水善男子於意云何是水從何所來爲從東海來南西北海來薩陀波崙白大師言炎中尚無有水况有來處去處但

是愚人無有智故於無水中而生水想實無有水善男子若有人以如來身色音聲而生貪着如是人等分別諸佛有去來相當知是等愚癡無智如無水中而生水想何以故諸佛如來不應以色身見諸佛如來皆是法身故善男子諸法實相無來無去諸佛如來亦復如是善男子辭如幻師幻作象兵馬兵車兵步兵無來無去當知諸佛無來無去亦復如是善男子如人夢中見有如來若一若二若十若二十若五十若百若過百數覺已乃至不見有一如來善男子於意云何是諸如來從何所來去至何所薩陀波崙白大師言

諸小品第十一

十三

卷

夢無定法皆是虛妄善男子如來說一切法虛妄如夢若人不知諸法虛妄如夢是人但以色身名字語言章句而生貪着如是人等分別諸佛而有來去不知諸法相故若人於佛分別來去當知是人凡夫無智數受生死住來六道離般若波羅蜜離於佛法善男子若能如

實知佛所說一切諸法虛妄如夢是人於法則不分別若來若去若生若滅若不分別是人則以諸法實相而觀如來若以法相知如來者是人則不分別如來若來若去若能如是知諸法相是人則行般若波羅蜜近阿耨多羅三藐三菩提是名真佛弟子不虛受人信施是爲世間福田善男子譬如海中種種珍寶不從東方來南西北方四維上下來衆生福業因緣海生此寶非無因而有諸寶滅時亦不至十方以衆緣合則有衆緣滅則無善男子諸如來身亦復如是無有定法不從十方來亦不無因而有但以本行業果報生衆緣合則有衆緣滅則無善男子譬如箜篌音聲無所從來去無所至屬衆因緣有絃有槽有棍有人以手鼓之衆緣合則有聲是聲不從絃出槽出棍出手出衆緣合則有聲而無所從來衆緣散則滅而無所至善男子諸如來身亦復如是屬衆因緣無量福德之所

成就不從一因緣一福德而生亦不無因無緣而有以衆緣合則有而無所從來衆緣散則滅而去無所至善男子應當如是觀諸如來去之相亦應如是觀諸法相善男子汝若能如是觀諸如來及一切法無來無去無生無滅必至阿耨多羅三藐三菩提亦得了達般若波羅蜜方便說是如來無來無去法時三千大千世界地大震動諸天宮殿亦皆震動諸魔宮殿皆不復現三千大千世界草木華樹悉皆傾向曇無竭菩薩摩訶薩諸樹皆出非時妙華釋提桓因及四天王於虛空中雨天名華天末栴檀散曇無竭菩薩上語小品第十一

薩陀波崙菩薩言因仁者故我等今日聞第一義一切世界所難值遇貪身見者所不能及余時薩陀波崙菩薩白曇無竭菩薩何因緣故地大震動曇無竭言以汝向問是諸如來無來無去我答汝時有八千人得無生法忍入十那由他衆生發阿耨多羅三藐三菩提

提心八萬四千衆生遠塵離垢於諸法中得
法眼淨薩陀波崙菩薩心即歡喜作是念我
今則爲大得善利聞般若波羅蜜中無來無
去利益如是無量衆生我之善根已爲具足
於阿耨多羅三藐三菩提心無疑悔必當作
佛薩陀波崙聞法生歡喜因緣即昇虛空高
七多羅樹作是念我今當以何物供養曇無
竭菩薩釋提桓因知薩陀波崙心所念即以
天曼陀羅華與薩陀波崙作是言汝以是華
供養曇無竭菩薩善男子我等應助成汝以
汝因緣故利益無量衆生善男子如是之人
甚爲難值能爲一切衆生故於無量阿僧祇
劫往來生死爾時薩陀波崙菩薩受釋提桓
因鼻陀羅華散曇無竭菩薩上從虛空下頭
面作禮白大師言我從今日以身供給奉上
大師作是語已合掌一面立爾時長者女及五
百侍女白薩陀波崙菩薩言我等今者以身
奉上持是善根因緣當得如是善法世世常

小品般若波羅蜜經卷十

五

卷

共供養諸佛常相親近薩陀波崙菩薩報諸
女言汝若以身與我誠心隨我行者我當受
汝諸女白言我等誠心以身奉上當隨所行
爾時薩陀波崙菩薩與五百女人并諸寶物
莊嚴之具及五百乘車奉上曇無竭菩薩白
言大師以是五百女人奉給大師五百乘車隨
意所用爾時釋提桓因讚薩陀波崙菩薩言
善哉善哉菩薩摩訶薩應如是學一切捨法
菩薩有是一切捨者則能疾得阿耨多羅三
藐三菩提諸菩薩爲聞般若波羅蜜及方便
故應如汝今供養於師過去諸佛本行菩薩
道時亦皆如汝住是捨中爲般若波羅蜜供
養於師爲聞般若波羅蜜及方便故得阿耨
多羅三藐三菩提爾時曇無竭菩薩欲令薩
陀波崙菩薩善根具足故受五百女人及五
百乘車受已還與薩陀波崙從座而起還入
宮中是時日沒薩陀波崙菩薩作是念我爲
法不應坐卧當以二事若行若立以待法師

出宮說法。尔時曇無竭菩薩七歲常入菩薩無量三昧無量般若波羅蜜及方便觀。薩施波崙菩薩滿七歲中若行若立離於睡眠不念於欲不念美味但念曇無竭菩薩何時當從禪起我當為敷法座。曇無竭菩薩當坐說法我當掃灑令地清淨布種種華曇無竭菩薩當說般若波羅蜜及方便時長者女及五百女人亦皆七歲隨薩施波崙菩薩所行事。余時薩施波崙菩薩聞空中聲言善男子曇無竭菩薩却後七日從三昧起當於城中法座上說法。薩施波崙菩薩聞空中聲心大歡喜與五百女人欲為曇無竭菩薩敷大法座是時諸女各脫上衣以為法座作是念曇無竭菩薩當坐此座說般若波羅蜜及方便薩施波崙菩薩欲灑法座處地求水不得惡魔隱蔽令水不現作是念。薩施波崙求水不得或當憂悔心動變異善根不增智慧不照薩施波崙求水不得即作是念我當刺身出。

佛

小二釋卷十

十六

卷

血以用灑地何以故此中塵土坌於大師我今何用此身此身不父必當壞敗我寧為法以滅於身終不空死又我常以五欲因緣喪波崙即以利刀周遍刺身以血灑地五百女人亦敷薩施波崙菩薩各各刺身以血灑地人亦敷薩施波崙菩薩及五百女人乃至一念無有薩施波崙菩薩及五百女人乃至一念無有異心魔不能壞障其善根。爾時釋提桓因作是念未曾有也。薩施波崙菩薩受法堅固發大莊嚴不惜身命深心趣於阿耨多羅三藐三菩提當得阿耨多羅三藐三菩提度脫無量衆生死苦惱即時釋提桓因變灑地血為天赤栴檀水法座四邊面百由旬天栴檀氣流布遍蒲釋提桓因讚言善哉善哉善男子汝精進力不可思議愛法求法最為無上善男子過去諸佛亦皆如是深心精進愛法求法以此修集阿耨多羅三藐三菩提。爾時薩施波崙作是念我為曇無竭菩薩已敷法

座掃灑清淨當於何所得好名華莊嚴此地
曇無竭菩薩在座說法當以供養釋提桓因
知薩陀波崙心所念即以三千碩天曼陀羅
華與薩陀波崙菩薩作是言善男子取是曼
陀羅華莊嚴此地供養曇無竭菩薩薩陀波
崙菩薩受此華已以半散地以半供養曇無

小集十

主

森

竭菩薩尔時曇無竭菩薩過七日已從三昧
起與無量百千萬衆恭敬圍遶趣法座所坐
法座上說般若波羅蜜薩陀波崙見曇無竭
菩薩心大喜樂辟如比丘入第三禪尔時薩
陀波崙及五百女人散華供養頭面禮足却
坐一面曇無竭菩薩因薩陀波崙爲大衆說
言諸法等故般若波羅蜜亦等諸法離故般
若波羅蜜亦離諸法不動故般若波羅蜜亦
不動諸法無念故般若波羅蜜亦無念諸法
無畏故般若波羅蜜亦無畏諸法一味故般
若波羅蜜亦一味諸法無邊故般若波羅蜜
亦無邊諸法無生故般若波羅蜜亦無生諸

法無滅故般若波羅蜜亦無滅如虛空無邊
般若波羅蜜亦無邊如大海無邊般若波羅
蜜亦無邊如湏弥山莊嚴般若波羅蜜亦莊
嚴如虛空無分別般若波羅蜜亦無分別色
無邊故般若波羅蜜亦無邊受想行識無邊
故般若波羅蜜無邊地種無邊故般若波羅
蜜無邊水種火種風種空種無邊故般若波
羅蜜無邊如金剛等故般若波羅蜜亦等諸
法無壞故般若波羅蜜無壞諸法性不可得
故般若波羅蜜性不可得諸法無等故般若
波羅蜜無等諸法無所作故般若波羅蜜無
所作諸法不可思議故般若波羅蜜不可思
議是時薩陀波崙菩薩即於座所得諸法等
三昧諸法離三昧諸法不動三昧諸法無念
三昧諸法無畏三昧諸法一味三昧諸法無
邊三昧諸法無生三昧諸法無滅三昧虛空
無邊三昧大海無邊三昧湏弥山莊嚴三昧
虛空無分別三昧色無邊三昧受想行識無邊

三昧地種無邊三昧水種火種風種空種無邊三昧如金剛等三昧諸法不壞三昧諸法性不可得三昧諸法無等三昧諸法無所作三昧諸法不可思議三昧得如是等六百万三昧門小品般若波羅蜜經囑累品第二十九

諸小品若干 小時佛告須菩提薩陀波崙菩薩得六百万

卷第十六

三昧門已即見十方如恒河沙等世界諸佛與大比丘眾恭敬圍遶皆以是文字章句相貌說般若波羅蜜如我今於此三千大千世界與諸大眾恭敬圍遶以是文字章句相貌說般若波羅蜜施波崙從是已後多聞智慧不可思議如大海水出所生不離諸佛現在諸佛常生其所一切衆難皆悉得斷須菩提當知是般若波羅蜜因緣能具足菩薩道是故諸菩薩若欲得一切智慧應當信受般若波羅蜜讀誦正憶念如說修行廣爲人說亦當了了書寫經卷供養恭敬尊重讚嘆華香瓔珞末香塗香幡蓋伎樂等則是我教

小品般若波羅蜜經卷第十
潛十

小時佛告阿難於意云何佛是汝大師不出算佛是我大師如來是我大師佛告阿難我是汝大師汝是我弟子汝以身口意業於今現在供養恭敬尊重於我我滅度後汝當以是供養恭敬尊重般若波羅蜜第二第三亦如是說我以般若波羅蜜囑累於汝慎莫忘失莫作最後斷種人也阿難隨小所時般若波羅蜜在世當知小所時有佛在世說法阿難若有書寫般若波羅蜜受持讀誦正憶念如所說行廣爲人說供養恭敬尊重讚嘆華香乃至伎樂當知是人不離見佛不離聞法常親近佛佛說般若波羅蜜已弥勒等諸菩薩摩訶薩舍利弗須菩提目犍連摩訶迦葉等諸聲聞衆一切世間天人阿脩羅等聞佛所說歡喜信受

諸小品若干

波崙下此音論薩陸一
云常啼 | 冷煙下煥字同 | 凳鳬鴈上水鴨也扶
圍牆垣亦作圓 | 玫瑰上迴反音梅
下音圓又古 | 繩綻扶
上紓阮反下音蔽
下音塗 | 坐禪也 | 祭也 | 右膀下蒲米
反腿 | 印印 | 痞蒲問
盤七淵反 | 長境也 | 金牒下音葉 | 金薄也 | 印印 | 痞蒲問

後庵溪張判院名璿捨田一方開小品般若經一部十卷